



### I libri dal Nö Testamont

Tal Nö Testamont cialfunse endöt 27 de gragn y de mendri libri. Al é i cater libri dai Vangeli, la Storia dai Apostui, les 14 leteres de San Paul, les leteres de Iaco (1), Pire (2), Jan (3) y Iüda (1) y le liber d'Apocalisse o Revelaziun de San Jan.

San Paul á scrit leteres plü o manco lunges ales comunités de cristiagn jones (p.ej. da Roma, Corint, Efeso, Tessalonichi, y.a.). Te cöstes ti dêl conseis por la vita da cristian, jea ete te dificoltés y portâ dant cosses nees. Ales leteres de Iaco, Pire Jan y Iüda i dijon les „leteres catoliches“ – aladô dal significat dla parora greca „katholikós“ co ô dí „universal“ o „co reverda düc“ – deache ares n'é nia scrites por porsones o comunités singoles, mo por dõta la cristianité.

Deache les leteres n'é nia ma na testimonianza dal tomp da laota, mo sũ contegnũs é empörtanc ince por nos aldedancö, él dert che ares vegni entres endö lites.

### Enformaziuns y terminis

**Scora de Musiga Val Badia:** les iscriziuns ala Scora de Musiga Val Badia por l'ann de scora 2021/22 pó gní fates **dertan le mens de merz cina ai 31.03.2021**. I formulars d'iscriziun cialfun te internet sot a [www.musikschule.it](http://www.musikschule.it) sot ala Scora de Musiga Val Badia. Novité: presentaziun di stromënc da pert di maestri sön le canal youtube dla Scora de musiga Val Badia - link <https://youtube.com/channel/UCo0cSZ1jchj4ydNhF56dApA> Por informaziuns, ☎ 0471 847748.

**Udienza dla defensoria zivica** Gabriele Morandell o de sõa colaboradessa Verena Crazzolara en vendres ai 12 de merz, dales 14:00 ales 17:00, te Ciasa de Comun a San Martin. Enformaziuns y prenotaziuns, ☎ 0471 946020 o [verena.crazzolara@volksanwaltschaft.bz](mailto:verena.crazzolara@volksanwaltschaft.bz)

*Nel tempo di Quaresima, lo Spirito Santo sospinge anche noi, come Gesù, ad entrare nel deserto (Mc 1,12-15). Non si tratta di un luogo fisico, ma di una dimensione esistenziale in cui fare silenzio e ascoltare la parola di Dio, perché si compia in noi la vera conversione.*

Papa Francesco, 21.02.2021

**Dõt le bun a:** Antonia Pedevilla \* 02.03.1941  
Elisabetta Rovara \* 03.03.1946  
Berta Kanetscheider Glira, San Ciascian \* 05.03.1937  
Jep Ellecosta, Stifler \* 05.03.1940  
y a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 0474 500978 o ✉ [ploania@gmx.net](mailto:ploania@gmx.net)  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ [klsottsas@rolmail.net](mailto:klsottsas@rolmail.net)

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann B

28.02.2021 - Secunda domegna de Carsema

n. 14

## Le debojügn da cherí Chel Bel Dio

 **Gen 22, 1–2.9a.10–13.15–18 | Rom 8, 31b–34 | Mc 9, 2–10**

### Dal Vangelo do San Merch:


Te chel tomp <sup>2</sup>á Gejú tut Pire, Iaco y Jan sön na pert y i á condüt sön na gran munt, mo ma ei susc. Y al é gnü trasfiguré dan da sũ edli; <sup>3</sup>sũ guanc é gnüs blanc raionc, tan blanc che degün lavadú sõla tera n'é bun da i fá. <sup>4</sup>Danló é aparí dan da sũ edli Elía y con el Mosé, y ai baiâ con Gejú. <sup>5</sup>Pire ti á dit a Gejú: Maester, al é bun ch'i sun atló. I orun fá sõ trei üces, õna por te, õna por Mosé y õna por Elía. <sup>6</sup>Mo al ne sã nia ci ch'al se dijea, ciodich'ai ea dõt amatís dala tema. <sup>7</sup>Spo él gnü n nio co á lascé tomé sõa ombria sön ei, y fora dal nio cherdâ na usc: Cösc é mio Fi bunorü; ascutedele! <sup>8</sup>Canch'ai â spo ciaré encerch, n'odei t'en iade plü degügn pa d'ei ater co Gejú. <sup>9</sup>Dertan ch'ai jea jö dla munt, ti ál proibí de ti cunté a zacai ci ch'ai â odü, cina che le Fi dal Om ne n'ea rosserí dai morc. <sup>10</sup>Cösta parora ti dea da ponsé, y ai se damanâ õnn l'ater ci che cösc dea ester: rosserí dai morc.

**I ponsun do:** *Trepes porsones damana encö a ci che ai pó s'orienté: ci á pa ciamó valüta can che minunghes y formes de vita se müda tan debota? Sön ci autorié pón pa ciamó se lascé? Chê él pa ciamó co manten parora? Tla trasfiguraziun de Gejú él Chel Bel Dio enstes co se dá l'orientamont por nosta vita: „Cösc é mio Fi amé. El desses ascuté sõ!“*

**I periun:** *Dio misericordius, nos te chirium. Tõ i das a nosta vita orientamont y travert. Fá sterscia nosta fede ch'i ascutunse la parora de to Fi y ch'i gnunse con el glorifichês. Por el, Crist, nosc Signur.*



Vesco Wilhelm Egger "Sonntagsbibel"

 **Letöres dla Terza domegna de Carsema:**  
**Es 20, 1–17 | 1 Cor 1, 22–25 | Jan 2, 13–25**

**Edema liturgica dai 28.02. ai 07.03.2021**

<b>DOM 28.</b>	<b>Secunda domegna de Carsema</b> <i>Roman, Silvana, Oswald, Antonia</i>
<b>08:30</b>	<b>gran messa</b> por dōta la ploania <i>oferta por la ploania</i>
<b>→</b>	<b>3. s.m. de sopoltōra</b> por † Nese Terza, André y <b>corona</b> dla comunité
<b>10:00</b>	<i>s.m. a Al Plan</i>
<b>Lön 01.</b>	<i>Albin, Davide, Teresa</i>
<b>18:00</b>	<i>s.m. a Al Plan</i>
<b>Ded 02.</b>	<i>Agnese da Prag, Ines, beat Carlo</i>
<b>07:30</b>	<b>s.m.</b> de rengraziamont en onú de Santa Maria dal Bun Consei <b>s.m.</b> por vis y †† dla fam. de Thomas y Maria Rubatscher, Festl <b>s.m.</b> por les Püres Armes
<b>Dem 03.</b>	<i>Cunigunda, Tobia, Friedrich</i>
<b>Jöb 04.</b>	<i>Casimir, Rupert - de d'oraziun do vocaziuns</i>
<b>→ 18:40</b>	<b>corona por perié do vocaziuns</b>
<b>→ 19:00</b>	<b>s.m.</b> d'aniversar por † Maria Ellecosta ved. Erardi, Marò <b>s.m.</b> por vis y †† dal Cargá <b>s.m.</b> por † Franz Lois Erlacher, Ombolt/Bellamonte
<b>Ven 05.</b>	<b>pröm vendres - Oliva, Dietmar</b> <i>→ astinonza dla cern</i> <b>De mondial d'oraziun dles eres</b> <b>signor ploan va a proveder</b>
<b>→ 19:00</b>	<b>funziun con les Staziuns (Joneza)</b>
<b>Sab 06.</b>	<i>Fridolin, Coleta</i>
<b>→ 07:30</b>	<b>s.m.</b> en onú de Santa Maria do entenziun de Jep Agreiter, Brach <b>s.m.</b> por la fam. de Dolo y Frida Agreiter, Brach <b>s.m.</b> por †† Pire y Rosa Willeit, Sach
<b>18:00</b>	<i>s.m. prefestia a Al Plan</i>
<b>DOM 07.</b>	<b>Terza domegna de Carsema</b> <i>Perpetua y Felizita, Reinhard</i> <b>De de solidaritè por le patronat ACLI-KVV</b>
<b>08:30</b>	<b>gran messa</b> en onú de Santa Maria por dōta la ploania <b>s.m.</b> por †† Dolo, Nane y Jep Ploner, Plazores/Rü dessot <i>→ oferta por le patronat ACLI KVV</i>
<b>10:00</b>	<i>s.m. a Al Plan</i>
<b>ampola:</b>	por vis y †† dla fam. Tone y Margareth Palfrader, Majun
<b>ministronc:</b>	<b>• dedolōnesc y sabeda:</b> Emma E. y Francesco <b>• jōbia y domegna:</b> Rosina y Nadia
<b>i recordun:</b>	Isidor Ploner † 03.03.2012 Maria Anna Ellecosta ved. Erardi † 03.03.2015




**Pröma letōra: Le sacrificze de Ísach** (*Génesi 22, 1–2.9a.10–13.15–18*)

**Letōra dal liber dla Génesi**

En chi dis 1<sup>a</sup> Idio motü Ábraham ala proa. Al ti á dit: Ábraham! Al á rospognü: Atló sunse. 2<sup>a</sup>Idio á dit: Tol to fi, to fi su, a chel che te i ôs bun, Ísach, va tla tera de Moría, y portele dant desco sacrificze söle fù, sön na munt ch'i te dijará. 9<sup>a</sup>Canche 'ai ea roés söle post, che Idio ti á dé dant, 10<sup>a</sup>Á Ábraham alzé la man y á tut le cortel por copé so fi. 11Danló l'á l'angelo dal Signur cherdé dal ci: Ábraham, Ábraham! 12Al á rospognü: Atló sunse. Chel á dit: No alzé la man cuntra le möt, y no ti fá val' de mal!

Deache sen sai che te temes Idio, te ne m'as nia refodé to fi su. 13Canche Ábraham á ciaré encerch ál odü n mül ia do el co s'á entravaié con sü corgn te na brüscia. Ábraham é jü ia, á tut le mül y l'á porté dant empede so fi desco sacrificze söle fù. 15L'angelo dal Signur á cherdé Ábraham por le secundo iade dal ci 16y á dit: I á dé juramont pro me – dit dal Signur: Deache t'as fat cōsc y te ne m'as nia refodé to fi su, 17öi te dé benedisciun en abondanza y multipliché tü descendonc desco les steres sö al ci y le saurun söla spona dal mer. Tü descendonc dess tó ete les portes de sü nemisc. 18Te tü descendonc dess ester benedís duc i popui dla tera, deache t'as ascuté mia usc.

*Chel Bel Dio á motü ala proa la fede de Abraham, al le comana da ofrí sö so unico fi. Mo, áChel Bel Dio debojügn de cōstes proes por capí ci che la porsona á daete? Chel Bel Dio n'á nia debojügn, mo la porsona pó gní alassora che Chel Bel Dio é gran y nia da capí atramonter; tres dolor y renunzia pó la porsona cresce daete y madorí.*



**At penitenzial**

Nos dun pro, Pere, ch'i n'an nia ciamó capí daldöt to vangelo. Gnanca la realté da vignedé n'anse ciamó capí. Pordónesse nosta confujiun y nosta malsügherté: canch'al é da ester tü testimoni, canch'al é da conesce i segns de to regn, canch'al é da pordené ai atri, canch'al é da chirí punc de speranza, canch'al é da perié deboriada,

canch'al é da testimonié la pasciun de Gejú Crist, canch'al é da partí nostes richezes y nosta meseria, canch'i proun da pié do les scincundes dal Spirit Sant, canch'i se metun a jí do le der tru, canch'al é da se convertí, canch'al é da vire tal amur, canch'al é da ester somonza de tōa pêsc y de tūa iustizia.

*da "Parores por vigni momënt"*